

**I. ATALA****BIZKAIKO LURRALDE HISTORIKOKO FORU ADMINISTRAZIOA****Bizkaiko Foru Aldundia****Ekonomia Sustatzeko Saila**

Bizkaiko Foru Aldundiaren 43/2021 FORU DEKRETUA, apirilaren 20koa. Honen bidez, 2021eko Txekeo Teknologikoak dirulaguntza programa arautzen duten oinarriak eta deialdia onesten dira.

I

Legegintzaldi honetan, Bizkaiak eta Bizkaiko enpresa- eta ekonomia-sareak dituzten interesen defentsarekin konprometituta dagoen Ekonomia Sustatzeko Sail bat daukagu. Horretarako, Bizkaiak industrian eta industriaren lehentasunezko sektoreetan zentratuta dituen indarren aldeko apustu trinko bat egitea proposatzen du, enpresa berritzaileagoak, internazionalagoak eta modernoagoak, kalitatezko enpleguaren sortzaileak lortzeko.

Dekretu hau eta lortu nahi dituen helburuak Ekonomia Sailak bere zeregina lortzeko jarduera-multzoaren zati dira. Izan ere, programak eta zerbitzuen garapenean sustatzen ditu jarduera horiek, aberastasuna sortzen laguntzeko, Bizkaiko enpresen artean lehia-kortasun iraunkorra sustatuta.

Zehatz esateko, txekeo teknologikoen programa honen helburua da ekoizpen-arloren batean edo produktu/zerbitzuekin dagoen arazo jakin bati enpresa bakoitzari erantzuna ematea, teknologia eragile batek aukerako konponbide zehatza proposatuta. Bidea erraztu nahi diete berrikuntza-jarduerak egiterakoan oztopoak aurkitu ohi dituzten enpresei lehen urratsak eman ditzaten.

Ekonomia Sustatzeko Sailaren 2020-2023 aldiko Dirulaguntzen Plan Estrategikoan dekretu honetan araututako dirulaguntzen lerroa jasotzen da, Bizkaiko Foru Aldundiaren 2021 Urteko Araugintza Planean Foru dekretu hau onartzea aurreikusten da eta Bizkaiko Lurralde Historikoaren Aurrekontu Orokorretan dirulaguntzen programa hau gauzatzeko behar diren kredituak esleitu dira.

II

Foru dekretu honetan jasotako laguntzek edo dirulaguntzek Europar Batasuneko Funtzionamenduaren gaineko Itunaren 107. eta 108. artikulua minimis laguntzei aplikatzeari buruzko 2013ko abenduaren 18ko 1407/2013 (EB) Araudi Orokorrean xedatutakoa bete beharko dute.

Programa hau Euskadiko FEDER 2014-2020 Programa Eragilearen bidez ere finantza daiteke, FEDER Landa Garapeneko Europako Funtsaren arloan. Une oro begiratu eta europar politikak bete daitezten; batez ere, honako alderdi hauetan: ingurumena, aukera-berdintasuna, kontratazio publikoa eta europar kofinantziazioaren publizitatea.

III

Euskal Herriaren Autonomia Estatutuaren 9. artikulua hau ezartzen du: «Bizi- eta lan-baldintzen hobekuntzaren aldeko politika bultzatuko dute bereziki» eta «Enplegua gehitzea eta ekonomiaren oreka sustatzeko neurri lagungarriak hartuko dituzte».

Beraz, foru dekretu honen xede den gaiaren gaineko eskumena Bizkaiko Foru Aldundiari dagokio, Euskal Autonomia Erkidegoko Autonomia Estatutuaren 10.25 eta 37.4 artikuluetan xedatutakotik ondorioztatzen denez, Autonomia-Elkarte Osorako Erakundeen eta Bertako Kondaira-Lurraldeetako Foruzko Ihardutze-Erakundeen arteko Harremanei buruzko 1983ko azaroaren 25eko 27/1983 Legearen 6.1 eta 7. artikuluekin eta Bizkaiko Kondaira Lurraldeko Foru Erakundeen Hautapen, Antolaketa, Erregimen eta Funtzionamenduari buruzko otsailaren 13ko 3/1987 Foru Arauaren (aurrerantzean 3/1987 Foru Araua) 17.2 artikuluekin lotuta. Azken artikulua horrek dioenez, Foru Aldundiari dagozkio



arabide erkideko diputazioen eskumenekoak diren gaiak, eta, ildo horretan, Toki Araubidearen Oinarriak arautzen dituen apirilaren 2ko 7/1985 Legearen 36 d) artikulua ezarzen du probintziako diputazioen berezko eskumena dela «probintziako lurraldearen garapen ekonomiko eta soziala sustatzeko eta plangintza egiteko lankidetzaren ematea, arlo horretan beste herri-administrazioak dituzten eskumenekin bat etorriz».

IV

Foru dekretu honetan, genero-ikuspegia jasotzen da, bai hura prestatzeko orduan bai haren aplikazioan, Emakumeen eta Gizonen berdintasunerako ekainaren 20ko 4/2018 Foru Arauan (aurrerantzean 4/2018 Foru Arauan) ezarritakoarekin bat. Gainera, kontuan hartu da 4/2018 Foru Arauaren 25. artikuluan eta Bizkaiko Foru Aldundiaren azaroaren 19ko 141/2013 Foru Dekretuan xedatutakoa; izan ere, haren bidez, generoaren eraginarekin aurreiazko ebaluazioa egiteko jarraibideak ezartzen dira; ebaluazio hori Emakumeen eta Gizonen Berdintasunerako otsailaren 18ko 4/2005 Legean (aurrerantzean 4/2005 Legean) dago aurrez ikusita. Ildo horretan, tramitazioan, foru dekretu horren 2. artikuluan aipatzen den txostena sartu da, hau da, generoaren eraginaren aurreiazko ebaluazioari buruzkoa.

Programa horretan, emakumeen eta gizonen arteko berdintasuna sustatzeaz gain, kohesioari laguntzeko, egungo politika publikoen aplikazioa sendotzen duten klausula sozialak sartu dira. Helburu horretarako, dirulaguntzetarako prozeduran klausula sozialak, ingurumenekoak eta beste politika publiko batzuei buruzkoak sartzeko gidaren gomendioei jarraitu zaie, gida horrek errazten egiten baitu arau hauetan ezarritakoa aplikatzea: Dirulaguntzen Erregelamenduari buruzko martxoaren 23ko 34/2010 Foru Dekretuaren (aurrerantzean, Dirulaguntzen Erregelamendua) 45. artikulua aldaketa. Foru dekretu horren bidez, maiatzaren 31ko 5/2005 Foru Araua garatu zen, Foru Administrazioak emaniko dirulaguntzen arabide juridiko orokorra arautzen duena (aurrerantzean, 5/2005 Foru Araua). Adierazitako 45. artikulua hori otsailaren 27ko 16/2018 Foru Dekretuaren bidez aldatu zen, eta Bizkaiko Batzar Nagusiek 2017ko urriaren 18an onetsitako mozioaren ondorioz izapidetu zen.

Foru dekretu honek bete egiten ditu erregulazio onaren printzipioak, zeinak Administrazio Publikoaren Administrazio Prozedura Erkidearen urriaren 1eko 39/2015 Legean (aurrerantzean, 39/2015 Legean) aurreikusten diren eta Bizkaiko Foru Aldundian xedapen orokorrak egiteko prozedura arautzen duen Bizkaiko Foru Aldundiaren urtarrilaren 17ko 2/2017 Foru Dekretuaren (aurrerantzean 2/2017 Foru Dekretua) 3. artikuluan jasotzen diren.

Foru Dekretu hau egiteko eta izapidetzeko, 2/2017 Foru Dekretuan ezarritako izapideak egin dira, eta Generoaren araberrako Eraginaren Aurreiazko Ebaluazioari, Kontrol Ekonomikoari eta legedia betetzeari buruzko nahitaezko txostenak egin dira.

2/2017 Foru Dekretuaren arabera, dekretu honen aurreiazko kontsulta publikoaren izapidea egin da, eta jasotako ekarpenei buruzko memoria bat egin da. Era berean, entzunaldiaren eta jendaurreko informazioaren izapidea egin da, eta jasotako alegazioei buruzko memoria bat egin da.

Laguntzak 5/2005 Foru Arauaren 20. artikuluan aurreikusitako lehia askeko prozeduraren bidez emango dira. Horren arabera, laguntzak modu eraginkorrean esleitu ahal izango dira, eskaerak jaso ahala, laguntza-eskaera guztiei azkar lagundu ahal izateko, betiere aurrekontuek horretarako aukera ematen badute. Bultzatu nahi diren proiektuen izaerak zaildu egiten du ebaluazio-irizpide objektibo eta homogeneoak finkatzea aurkeztu diren eskabideen artean lehentasunak ezartzeko. Dirulaguntzen programa honetan lagundutako proiektuen izaerak epe luzea eskatzen du dirulaguntzak aurkezteko, eta azkar esleitu behar dira, emandako dirulaguntzari esker gauzatu ahal izateko.

V

5/2005 Foru Arauaren 8.3 eta 16.1 artikuluetan xedatutakoa eta Dirulaguntzen Araudiaren 41. artikuluan xedatutakoa modu koordinatuan irakurrita, ondorioztatzen da Bizkaiko Foru Aldundia gaituta dagoela foru-dekretu bidez dirulaguntzak emateko oinarri



arautzaileak onartzeko, oinarriak dirulaguntza mota bakoitzari buruzkoak izango direla, eta oinarri arautzaileak eta dirulaguntzen deialdia batera onartzeko aukera dagoela. Horretarako Bizkaiko Foru Aldundiaren foru dekretuaren proiektua Gobernu Kontseiluari aurkeztu behar zaio, onar dezan.

Araugintza-ekimenari dagokionez, Ekonomia Sustatzeko foru diputatuari dagokio, 1987ko otsailaren 13ko 3/1987 Foru Arauaren 39.k) artikuluan eta sail horren egitura organikoari buruzko erregelamendua onesten duen Bizkaiko Foru Aldundiaren 2019ko abenduaren 17ko 207/2019 Foru Dekretuaren 1. Artikuluan xedatutakoaren arabera.

Edonola ere, Gobernu Kontseiluari dagokio aztertzea bidali den testua onartzea, 3/1987 Foru Arauaren 17. artikuluan xedatutakoaren arabera.

Horrenbestez, Ekonomia Sustatzeko Saileko foru-diputatuaren ekimenez, eta aurrez Bizkaiko Foru Aldundiak 2021eko apirilaren 20ko bileran aztertutik, honako hau

XEDATZEN DUT:

Artikulu Bakarra.— Oinarri arautzaileak eta deialdia onestea

Ekonomia Sustatzeko Sailaren 2021eko Txeko Teknologikoak dirulaguntzen programaren oinarri arautzaileak eta deialdia onartu dira. Programa horren testua foru dekretu honi atxikita dago eranskin gisa, eta haren xedapen-zatiari erantsita, ondorio guztietarako.

XEDAPEN GEHIGARRIAK

Xedapen Gehigarri Bakarra.— Aurrekontu erregimena

1. Eskabide guztiak ebatzi ondoren ez bada iristen gehieneko aurrekontu-mugara, gastu-baimena deuseztatzea tramitatuko da, soberan den zenbatekoan, eta horretarako ez da beharrezkoa izango foru dekretu hau aldatzea.

2. Dirulaguntzen erregelamenduaren 43. artikulua babesean aurrekontuko zuzkiduren guztizko zenbatekoa areagotu ahal izango da, gehienez ere 200.000,00 euro gehituz, baldin eta eskuragarri dauden kredituak areagotu badira kreditua handitzea onartu delako edo kreditua sortu edo gehitu delako edo baldin eta kopuru osagarri bat badago aurreko deialdietan aurkeztutako eskaeren zenbatekoa aurrez ikusitakoa baino txikiagoa izan delako; kasu horietan, kreditu osagarri hori soilik izango da eraginkorra baldin eta kreditu horren erabilgarritasuna adierazita badago. Adierazpen hori dirulaguntza emateko ebazpena eman aurretik egin beharko da. Organo eskudunak baimenduko du kopuru handitze hori.

XEDAPEN IRAGANKORRAK

Xedapen Iraganko Bakarra.— Jakinarazpen elektronikoa

Jakinarazpen elektronikoari buruzko betebeharrari dagokionez, jakinarazpena egiten denean bitarteko elektronikoen bitartez egiteko prozedura ez badago teknikoki amaituta, jakinarazpena paperean egingo da, posta ziurtatuaren bidez.

AZKEN XEDAPENAK

Amaierako Lehen Xedapena.— Arauen garapena

Ekonomia Sustatzeko diputatuak ahalmena izango du honako foru dekretu hau garatu, betearazi eta aplikatzeko beharrezkotzat jotzen dituen xedapen guztiak emateko, bai eta kasu bakoitzean dagokion diru-laguntza ematea ere; aurrekontu-zuzkidura amaitu ezean, deialdi berriak egiteko eta subrogazio-eskaerak ebatzeko. Era berean, Ekonomia Sustatzeko foru diputatuari baimena ematen zaio eskabideak aurkezteko epea luzatzeko, 39/2015 Legearen 32.4 artikuluan aurreikusitako kasua gertatzen bada, hau da, dagokion sistemaren ohiko funtzionamendua edo aplikazioa eragotzi duen gorabehera teknikoren bat gertatzen bada.



Amaierako Bigarren Xedapena.—*Indarrean jartzea*

Foru dekretu hau Bizkaiko Aldizkari Ofizialean argitaratu eta biharamunean jarriko da indarrean.

Bilbon, 2021eko apirilaren 20an.

Ekonomia Sustatzeko foru diputatua,
AINARA BASURKO URKIRI

Ahaldun Nagusia,
UNAI REMENTERIA MAIZ



**2021EKO TXEKEO TEKNOLOGIKOAK DIRULAGUNTZEN
PROGRAMAREN OINARRI ARAUTZAILEAK ETA DEIALDIA
AURKIBIDEA**

I. kapitulua. — Xedapen orokorrak.

1. oinarria. — Xedea eta helburua.
2. oinarria. — Aurrekontuko zuzkidura.
3. oinarria. — Definizioak.
4. oinarria. — Entitate onuradunak.
5. oinarria. — Diruz lagun daitekeen egitatea.
6. oinarria. — Emateko prozedura.
7. oinarria. — Laguntzen zenbatekoa.
8. oinarria. — Dirulaguntza jaso dezaketen gastuak.
9. oinarria. — Burutzeko epeak.
10. oinarria. — Dirulaguntza metaketa.
11. oinarria. — Dirulaguntzen bateragarritasuna.

II. kapitulua. — Aplikatu beharreko araudia eta antolaketa-xedapenak.

12. oinarria. — Ezarri beharreko arautegi orokorra.
13. oinarria. — Laguntzak emateko prozedura antolatu, aztertu eta ebatziko duten organo eskudunak.
14. oinarria. — Erakunde laguntzaileak.

III. kapitulua. — Prozedurazko xedapenak.

1. atala. — Xedapen espezifikoak.

15. oinarria. — Eskabideak aurkezteko epea.
16. oinarria. — Gehienez aurkez daitezkeen eskabideak.
17. oinarria. — Eskabidean aurkeztu beharreko agiriak.
18. oinarria. — Justifikatzeko epea.
19. oinarria. — Justifikatzeko modua eta dokumentazioa.
20. oinarria. — Dirulaguntza ordaintzea.
21. oinarria. — Laguntzaren publizitatea.

2. atala. — Eskabideen instrukzioa eta ebazpena.

22. oinarria. — Eskabideak nola aurkeztu.
23. oinarria. — Txostenaren instrukzioa.
24. oinarria. — Eskabideen ebaluazioa.
25. oinarria. — Ebazpen proposamena.
26. oinarria. — Aurrekontuaren muga.
27. oinarria. — Ebazteko epea.
28. oinarria. — Ebazpena.
29. oinarria. — Errekurtsoak.
30. oinarria. — Dirulaguntzari uko egitea.
31. oinarria. — Jakinarazpen elektronikoa.
32. oinarria. — Dirulaguntzen argitaratzea.



3. atala. — Dirulaguntzen kudeaketa eta egiaztapenari buruzko xedapenak.

- 33. oinarria. — Dirulaguntza jaso dezaketen gastuetarako irizpide orokorrak.
- 34. oinarria. — Gastuen egokitzapena.
- 35. oinarria. — Azpikontratazioa.
- 36. oinarria. — Eskaintza aukeratzea.
- 37. oinarria. — Jarraipena.
- 38. oinarria. — Justifikatzeko modua.
- 39. oinarria. — Baldintzak aldatzea.

4. atala. — Dirulaguntzak itzultzea eta arau hauste administratiboak.

- 40. oinarria. — Dirulaguntza erakunde onuradunak berak itzultzea.
- 41. oinarria. — Ez betetzeak.
- 42. oinarria. — Ez betetzeak mailakatzeko irizpideak.
- 43. oinarria. — Zehapen-prozedura.
- 44. oinarria. — Deslokalizazioa.

Eranskina. — *Ekonomia jarduera zerrenda.*



I. KAPITULUA

XEDAPEN OROKORRAK**1. oinarria.— Xedea eta helburua**

1. Oinarri arautzaile eta deialdi hauen helburua 2021eko deialdian Txeko Teknologikoak dirulaguntzen programa arautzea da
2. 2021eko Txeko Teknologikoak dirulaguntzen programaren helburua da enpresek berrikuntzaren arloan lehen urratsak egin ditzaten, kanpoko teknologia eragile baten laguntzarekin. Konponbidea eman nahi zaio arazo jakin bati, produktu edo produkzio-prozesu jakin bati, edo, gutxienez, horren konponbidea planifikatu, berrikuntza-proiektu bat bitartez.
3. Xede horrekin erakunde onuradunei dirulaguntzak eskaintzen dizkie.

2. oinarria.— Aurrekontuko zuzkidura

Deialdi honetan eman daitezkeen laguntzak eta onurak (guztira 450.000,00 euro) jarraian zerrendatuko diren aurrekontu-partidetan, aurrekontu proiektu eta urtekoetatik ordainduko dira; gutxi gorabeherako kopuruetan banakatuta agertuko dira, eta muga partida bakoitzean ezarritako guztizko kopurua izango da:

08.02/44300/426.107	
Proiektu zenbakia: 2016/0055	
Ekitaldia	Zenbatekoa (€)
2021	450.000,00
GUZTIRA	450.000,00

3. oinarria.— Definizioak

Foru dekretu honetan definizio hauek biltzen dira:

- a) «Txeko Teknologikoa»: teknologia eragilea baten aholkularitza-lana enpresak bere produktu edo ekoizpen-prozesuetakoren baten antzemandako arazo jakin bati buruz, non konponbide teknologiko aukerakoena proposatuko baitu. Ezauzgarri hauek eduki beharko ditu:
 - i. Arazoa-konponbidea logikari erantzutea.
 - ii. Arazo zehatz bati buruzkoa izatea, eta ez zerbait orokorraz.
 - iii. Ekoizpen-prozesu edo produktu/zerbitzu bat ukitu behar du.
 - iv. Eragileak bi aukeraren edo gehiagoren arteko konponbiderik egokiena proposatu behar du.
 - v. Konponbidearen ezarpena ez da sartzen txekoan, berehalakoa eta eraginik gutxienez ez bada izan ezik.
 - vi. Konponbideak osagai teknologiko bat eduki behar du.Txekeo teknologikoa ez da berrikuntza-proiektu bat, proposatutako konponbidea lortzeko berrikuntza-proiektu bat garatzeko aukera planteatzen dena. «Proiektu» terminoa, dekretu honetan dirulaguntzaren xedea aipatzen denean, diruz lagundu daitezkeen egitate osatzen duten txeko teknologikoen erreferentziatzat hartu behar da.
- b) «Teknologia Eragilea»: nahikoa ezagutza eta esperientzia dituen erakundea enpresari txeko teknologiko bat egiteko, ondo egingo duela nahikoa bermearekin. Dirulaguntza hauen ondorioetarako, honako erakunde hauek hartuko dira teknologia eragiletzat:
 - i. Beren jardueratik nagusiki EJSNeko honako sailkapenetarikoren batean sar litezkeen ingeniari-txeko enpresak eta erakundeak: 7112, 7120, 7490.



- ii. Beren jardueragatik nagusiki EJSNeko 7410 sailkapenean sartzen diren di-seinu industrialeko enpresak eta erakundeak.
- iii. Lanbide-heziketako ikastetxeak.
- iv. Zentro teknologikoak.
- c) «Emaizten Txostena»: Txekeoaren emaitzak jasotzen dituen dokumentua, Ekonomia Sustatzeko Sailaren webgunean eskuragarri dagoen ereduaren arabera. Emaizten txostenak honako hauek hartuko ditu barne:
 - i. Arazoaren analisia: enpresaren hasierako informazioa, eta enpresak aurkeztutako arazoaren identifikazioa eta zehaztasunak.
 - ii. Konponbide teknologikoak: aukeran dauden konponbideen deskribapena, eta teknologia eragileak aipatzen diren konponbide teknologikoaren egitasmo zehaztu bat. Txekeoan aukeratutako konponbide teknologikoa, teknologia eragileak berak aplikatu badezake, beste bi aukerako hornitzaile aurkeztu beharko dira.
- d) «Txekeo teknologikoak egiteko gida praktikoa»: Ekonomia Sustatzeko Sailaren webgunean eskuragarri dagoen agiri bat. Txekeoen izaerari eta garapen-metodologiari buruzko informazio zehatza ematen du, bai eta emaitzen txostenaren edukiari buruzkoa ere.

4. oinarria. — Entitate onuradunak

1. Dirulaguntzak eskuratu ahal izango dituzte beheko baldintzak betetzen dituzten enpresek:

- a) Sozietatearen helbidea eta zerga-helbidea Bizkaiko Lurralde Historikoan izatea.
- b) Gutxienez ekoizpen zentro bat edo balio erantsi handiko zentro bat Bizkaiko Lurralde Historikoan izatea.
- c) Berezko nortasun juridikoa izatea.

Hauetariko jarduera izatea: industria, eraikuntza, garraioa, industriari lotutako zerbitzuak, turismoa eta handizkako merkataritza (eranskinean ageri dira 2009ko Ekonomi Jardueren Sailkapen Nazionalako (EJSN) epigrafeetatik dirulaguntza jaso dezaketenak).

- d) 5 eta 100 pertsona arteko langile edukitzea, lana osokoak urteko kopuru baliokideetan.

Langileetat joko dira lan-kontratu baten bidez enpresari lotuta dauden pertsonak, Gizarte Segurantzaren Erregimen Orokorrean sartuta badaude.

Halaber, langileetat joko dira lan elkartuko kooperatibetako bazkide langileak, Gizarte Segurantzako Araubide Orokorrean sartuta ez badaude ere, eta enpresan lan- edo lanbide-jarduera garatzen duten pertsonak, baldin eta, beren izaeragatik, ezin badira Gizarte Segurantzaren Araubide Orokorrean alta emanda egon, Segurtasunaren Lege Orokorren testu bategina onartzen duen urriaren 30eko 8/2015 Legegintzako Errege Dekretuaren 305.2 artikulua b eta e letretan jasotakoaren arabera.

Ez dira plantillakotzat joko atzerriko instalazioetan lan egiteko kontratatatu diren langileak.

Seme-alabak edo mendetasuna duten pertsonak zaintzeagatik lanbidearen murrizketen kasuan, erakunde eskatzailearen beraren eskariz, murrizketa kontuan hartu gabe konputatu ahal izango dira lanbide horiek.

Plantilla zenbatzeko, Langile Izendun Zerrenda RNT (aitzineko TC2a) berrienerako balioak hartuko dira kontuan, eta, enpresari atxikitako langile autonomoak egonez gero, pertsona bakoitzaren kotizazio-oinarrien txostena.

- e) Zerga betebeharrak, Gizarte Segurantzarekikoak eta dirulaguntzak itzultzearen ondoriozkoak eguneratuta edukitzea.



- f) Emakumeen eta Gizonen berdintasunerako ekainaren 20ko 4/2018 Foru Arauaren (aurrerantzean 4/2018 Foru Arauan) 42. artikuluan ezarritako egoeraren batean ez egotea.
- g) Ez egotea Dirulaguntzei buruzko Foru Administrazioak emaniko dirulaguntzen araubide juridiko orokorra maiatzaren 31 5/2005ko Foru Arauaren (aurrerantzean 5/2005 Foru Araua) 12. artikuluan azaltzen diren inguruabarretako batean ere.

Aurreko baldintzak eskabidea aurkezten den unean egiaztatu behar dira, eta ebazpena eman, justifikazioa egin eta ordainketa egin arte mantendu beharko dira. Aurrekotik salbuetsita daude e) baldintza eta 5/2005 Foru Arauaren 12.2.b artikuluan ezarritako debekua, salbu eta konkurtso-likidazioaren fasea ireki dela aitortu bada; horiek biak eskabidea aurkezten den unean egiaztatu eta ebazpena eman arte mantendu beharko baitira.

2. Arlo guztietatik kanpo geratzen dira sozietate publikoak, zuzenbide publikoko erakundeak, ondasun erkidegoak, sozietate zibilak, elkarteak, fundazioak, federazioak, partidu politikoak eta erlijio erakundeak.

3. Dirulaguntzaren bat jasotzen duten erakunde onuradunek 5/2005 Foru Arauaren 13. eta 41. artikuluetan xedatutakoa bete beharko dute. Bereziki, jasotako fondoak zertan erabili diren frogatzen duten agiri guztiak gorde beharko dituzte, agiri elektronikoak barne, finantza-kontrolaren eginkizunak dituzten organoen egiaztapen-jardueren eta kontrol-jardueren xede izan baitaitezke, eta haiei lankidetzak eskaini beharko diete. Era berean, Europako funtsei buruzko xedapen erkideak ezartzen dituen abenduaren 17ko 1303/2013 (EB) Erregelamenduaren (aurrerantzean 1303/2013 (EB) Erregelamendua) 125.4. artikuluan xedatutakoa bete beharko dute.

4. Dirulaguntzen onuradun diren erakundeek 4/2018 Foru Arauaren 46. artikuluan ezarritakoa bete beharko dute; zehazki, modu aktiboan sustatu beharko dute emakumeen eta gizonen berdintasuna, eta lan-baldintza duin eta gizalegezkoak, diskriminaziorik sortzen ez dutenak, bermatu.

5. oinarria. — Diruz lagun daitekeen egitatea

1. Diruz laguntzeko modukotzat jotzen da enpresa eskatzailearentzako Txeko Teknologiko bat egitea, Teknologia Eragile batek egina.

2. Dirulaguntza jasoko duten proiektuak eskabidea egin duen enpresan aplikatu eta ezartzeko modukoa izango da, enpresa bera izango da onuraduna eta bere jarduerarekiko koherentzia mantenduko da, eta soilik hartuko dira diruz laguntzeko modukotzat Bizkaiko Lurralde Historikoko ekoizpen zentroetan zuzenean aplikatzeko diren jardueren gastuak.

3. Nolanahi ere, proiektuak sexu arrazoiengatik ez dira baztertzailak izango, eta ahal dela, sexuaren araberako rolak eta estereotipoak ezabatu beharko dituzte.

4. Honako proiektu hauek ez dira diruz lagunduko:

- a) Erakundearentzat berrikuntzarik ekartzen ez duten proiektuak.
- b) Bizkaiko Lurralde Historikoko zentroetan aplikatu ezin diren proiektuak.
- c) Definizioan (argitasuna, plangintza, egikaritzeko metodologia...) edo proiektuari esleitutako baliabideetan (baliabide teknikoak, giza taldea, zuzkidura ekonomiko...) gabezia argiak dauzkaten proiektuak.
- d) Bizkaiko Foru Aldundiaren Ekonomia Sustatzeko Sailaren bestelako programa edo jarduketa arloen barruan sar daitezkeen jarduerak.
- e) Ekonomia Sustatzeko Sailaren helburuekin bat ez datozen edota Ekonomia Sustatzeko Sailaren eskuduntzen eremuan sartzen ez diren jarduerak.

5. Ez dira diruz lagun daitekeen egitatearen barruan hartuko aurkeztutako proiektuaren zati nuklearrari guztiz uztartuta ez dauden edo harekin lotura gutxi edo loturarik ez duten jarduketak.

**6. oinarria. — Emateko prozedura**

1. 5/2005 Foru Arauaren 20. artikuluan xedatutako norgehiagokarik gabeko arabi-dean emango dira dekretu honetan araututako dirulaguntzak.
2. Dekretu honen ondorioetarako, funtsak eskaerak jaso ahala eta aurrekontu-zuzkidurek aukera eman arte banatzeko prozedura joko da lehia asketzat, betiere dealdian ezarritako baldintza guztiak betetzen badituzte. Ondorioz, deialdiaren baldintzak betetzen direla egiaztatzen duen dokumentazioa dagokion erregistroan sartu zen azken eguna hartuko da eskaeraren jasotze-datatzat.

7. oinarria. — Laguntzen zenbatekoa

1. Programa honetan ezarritako onurak ezarritako egitate eta diruz lagun daitezkeen gastuengatik dirulaguntzak dira..
2. Dirulaguntzaren zenbatekoa kalkulatu da % 80 diruz lagun daitezkeen gastuei aplikatuz.
3. Erakunde eskatzaile bakoitzeko, lagundutako proiektu bakoitzean 10.000 euro emango dira gehienez.
4. Ez da 1.000 eurotik beherako dirulaguntzarik emango. Muga hori ez da aplikatu-laguntzaren azken zenbatekoa 10. eta 11. oinarrietan ezarritako laguntzen metaketa eta bateragarritasun irizpideen ondorioz egindako murrizketa baten emaitza bada, edo erabilgarri dagoen kreditua agortu delako egin den murrizketa baten ondorio bada.

8. oinarria. — Dirulaguntza jaso dezaketen gastuak

1. Laguntza egitarau honetan aurkeztutako proiektuen diruz laguntzeko moduko oinarria zenbatekotzeko, proiektuaren aurrekontua hartuko da kontuan.
2. Diruz lagundu ahal izango dira eskatutako diru-laguntzaren xede den Txekoa Teknologikoa egiteko Teknologia Eragileak kontratatzeak gastuak.
3. Ondoko hauek ezin izango dute dirulaguntza jaso:
 - a) 100 € (BEZa kenduta) baino gutxiagoko gastuen frogagiriak sortzen dituzten kanpoko gastuak edo kanpoko inbertsioak.
 - b) Zergak eta tasak, BEZa barne (BEZa berreskuratu ezin den kasuetan ere bai).
 - c) Zeharkako gastuak.
 - d) Gastu orokor osagarriak, adibidez administrazio gastuak, dietak, kontsumo orokorrak (energia, ura, mezulariak, posta, garbiketa, telefonia, segurtasuna, bulegoko materiala...).
 - e) Ekonomia Sustatzeko Sailaren beste laguntza-programa batzuetan diruz lagun daitezkeen beste gastu guztiak.
4. Dena dela, 33. oinarrian ezarritakoa beteko da. Artikulu horretan dirulaguntza jaso dezaketen gastuetarako irizpide orokorrak adierazten dira.
5. Diruz lagun daitekeen gastuaren balorazioa euroa ez den beste txanpon bat erabiliz eginez gero, fakturaren datan egingo da eurako trukea.
6. 9. oinarrian ezarritako burutzeko epearen barruan (2021eko urtarrilaren 1aren eta 2021eko abenduaren 31ren bitartean) sortutako eta fakturatutako gastuak lagundu ahal dira diruz, beti ere 18. oinarrian ezarritako justifikatzeko azken egunera arte (2022ko urtarrilaren 31) ordainduta badaude. Kanpoko gastuetan fakturazio data hartuko da erreferentzia gisa sortzeari buruzko kontabilitate-printzipioa urratzen ez badu.

9. oinarria. — Burutzeko epeak

1. Kapitulu honen babesean garatzen diren proiektuak 2021eko urtarrilaren 1etik eta 2021eko abenduaren 31ra arteko epean, biak barne, hasi eta amaitu beharko dira.
2. Salbuespen gisa eta 37.6 oinarrian jasotako baldintzetan, enpresa onuradunak proiektua egiteko eta/edo justifikatzeko epea luzatzeko eskatu ahal izango du. Luza-



tzeko eskaera egiteko azken eguna gauzatzeko epea amaitu baino hilabete natural bat lehenago izango da.

3. Luzapena onesten bada, ebazpen espresu bat emango da, non proiektua egiteko eta/edo justifikatzeko epe berriak adieraziko diren. Ebazpen espresurik ematen ez bada, administrazio-isiltasuna negatiboa izango da ezezpeneko eraginarekin.

10. oinarria. — Dirulaguntza metaketa

1. Foru dekretu honetan jasotako laguntzek edo dirulaguntzek Batzordearen 2013ko abenduaren 18ko 1407/2013 (EB) Erregelamenduan xedatutakoa bete beharko dute. Araudi hori 2013ko abenduaren 24ko Europako Batasunaren Aldizkari Ofizialean argitaratu zen, 352. zenbakikoan, eta EE Itunaren 107. eta 108. artikulua minimis laguntzei aplikatzeari buruzkoa da. Horren ondorioz, arautegi hori ez betetzeak, erantzukizun penala, zibila eta administratiboa ekar liezaioke enpresa arau- hausteari. Europar Batasunak ezarritakoaren arabera, edozein enpresari emandako minimis laguntza, guztira, ez da 200.000 euro baino handiagoa izango hiru zerga-ekitalditan.

11. oinarria. — Dirulaguntzen bateragarritasuna

1. Dekretu honen itzalpean ematen diren laguntzak bateragarriak izango dira beste erakunde publiko edo pribatu batzuek kontzeptu beragatik ematen dituztenekin. Halere, 5/2005 Foru Arauaren 18.3 artikuluan ezarritakoaren arabera, emandako dirulaguntza-zenbatekoa inola ere ezin da izan, bera bakarrik edo beste batzuei batuta, diruz lagundutako jardueraren kostua baino handiagoa.

2. Bizkaiko Foru Aldundiko Ekonomia Sustatzeko Sailaren beste plan, programa edo jarduera-arlo batek diruz lagundutako gastuek ezin izango dute dirulaguntza jaso.

3. Nolanahi ere, dirulaguntzak jasotzen dituzten erakundeek Ekonomia Sustatzeko Sailari era frogagarrian jakinarazi beharko diote beste dirulaguntzarik jaso duten, egun batean edo bestean eman. Hala balego, horrekin batera egin den diru itzulketako gutunaren kopia bidaliko da. Horrek guztiak hala behar du, 5/2005 Foru Arauaren 18.3 eta 4. artikuluetan aurreikusitako ondorioetarako. Horrela, beraz, beste dirulaguntzen edo laguntza ekonomikoen zenbatekoak zenbatetsi eta, proiektua finantzatzeko ehuneko mantentze aldera, dirulaguntza esleitzeko ebazpena aldatu ahal izango da. Jakinarazpen hau jakin eta berehala egin beharko da eta, edozein kasutan, jasotako funtsen erabilera justifikatu baino lehen.

4. Ekonomia Sustatzeko Saila beste finantzatzaileekin harremanetan jarri ahalko da baterako finantzaketa adosteko.

II. KAPITULUA

APLIKATU BEHARREKO ARAUDIA ETA ANTOLAKETA-XEDAPENAK

12. oinarria. — Ezarri beharreko arautegi orokorra

1. Foru dekretu honetan aipatutako dirulaguntzei dagokienez, aginduzkoak izango dira foru dekretu honetako xedapenak, laguntzak emateko foru aginduetan ezartzen diren gainerako baldintzak, 5/2005 Foru Arauaren xedapenak eta Dirulaguntzen Erregelamendua, eta estatuko edo erkidegoko gainerako arau aplikagarriak.

2. Era berean, Europar Batasuneko Funtzionamenduaren gaineko Itunaren 107. eta 108. artikulua minimis laguntzei aplikatzeari buruzko 2013ko abenduaren 18ko 1407/2013 (EB) Araudi Orokorra eta, osagarri gisa, 39/2015 Legea ere erabiliko dira.

3. Interesdunak ematen dituen datuak foru dekretu honetatik eratorritzen diren prozedurak kudeatzeko erabiliko dira, kontuan harturik zer ezartzen den honako araudi honetan: 2016/679 Erregelamendua (EB), 2016ko apirilaren 27koa, Europako Parlamentuarena eta Kontseiluarena, datu pertsonalen tratamenduari eta datu horien zirkulazio askeari dagokienez pertsona fisikoak babesteari buruzkoa eta Datu Pertsonalen Babesari eta Eskubide Digitalen Bermeari buruzko abenduaren 5eko 3/2018 Lege Organikoa (aurrerantzean 3/2018 Lege Organikoa). Datu horiek inola ere ez dira erabiliko, eta ez zaizkie hirugarren batzuei lagako, interesdunak argi eta garbi ados dagoela adierazi



ezean edo goian aipaturiko araudian ezartzen diren kasuetan izan ezik. Araudi horretan xedatzen dena betetzeko, interesdunak honako eskubide hauek baliatu ahal izango ditu datuen tratamenduaren arduradunaren aurrean: datuak eskuratzeko, zuzentzeko, ezerezteko («ahaztua izateko eskubidea»), haien tratamendua mugatzeko eta datuok eramangarri izateko eskubideak, bai eta tratamendu automatizatuan soilik oinarrituriko erabakirik ez jasatekoa (barne harturik profilen sorrera), baldin eta erabakiak eragin juridikoak badakarzkio edo, modu bertsuan, beragan eragin nabarmenik badu. Era berean, edozein momentutan erreboka dezake lehen adierazitako onarpena. Informazio gehiagorako eta eskubide horiek baliatzeko, Bizkaiko Foru Aldundiaren webgunean kontsulta daiteke datu pertsonalen babesari buruzko atala (<https://web.bizkaia.eus/eu/datuen-babesa>). Halaber izango du eskubidea erreklamazioa aurkezteko Datuen Babesaren Kontrol Agintaritzaren aurrean.

13. oinarria. — Laguntzak emateko prozedura antolatu, aztertu eta ebartziko duten organo eskudunak

1. Dirulaguntzetarako eskaerak Berrikuntza Zerbitzuak izapidetuko ditu, eta, eskaerok ebazteko, Ekonomia Sustatzeko Saileko arduradunak esanbidezko ebazpena eman go du, Ekintzaitza eta Enpresen Lehiakortasuna Bultzatzeko Zuzendaritza Nagusiak hala proposaturik.

2. Emakida prozedura antolatzeko, bideratzeko eta ebazteko organo eskudunak osatzerako orduan, kontuan hartu beharko da bi sexuen artean ordezkari bat ordezkaturik dagoela; horrek esan nahi du bi sexuek ordezkariaren bat eduki beharko dutela, 4/2005 Legearen 20. artikuluan eta 4/2018 Foru Arauaren 44. artikuluan aurreikusitakoari jarraiki.

14. oinarria. — Erakunde laguntzaileak

1. Ekonomia Sustatzeko Sailak berari atxikitako foru sozietate publiko batzuen laguntza du bere helburuak lortzeko. Beaz, S.A.U., da sozietate horietako bat. Sozietate horrek dirulaguntza egitarauan esku hartuko du, erakunde laguntzaile gisa, Bizkaiko Foru Aldundiarekin sinatutako lankidetzaren hitzarmenean ezarritakoaren arabera.

2. Beaz, S.A.U., erakunde laguntzaileak Bizkaiko Foru Aldundiko Ekonomia Sustatzeko Sailaren izenean eta kontura jardungo du; sail hori izango da, ondorio guztietarako, foru dekretu honetan ezarritako laguntzen emalea.

III. KAPITULUA

PROZEDURAZKO XEDAPENAK

1. ATALA

XEDAPEN ESPEZIFIKOAK

15. oinarria. — Eskabideak aurkezteko epea

Eskabideak aurkezteko epea 2021eko maiatzaren 10ean hasiko da, eta 2021eko irailaren 30eko 13:30ean amaituko da.

16. oinarria. — Gehienez aurkez daitezkeen eskabideak

1. Erakunde bakoitzak, eskabide bat (1) aurkeztu ahal izango du, gehienez.

2. Erakunde batek baimendutako gehieneko eskaera-kopurua baino gehiago aurkezten badu organo instruktoreak jakinarazi egingo dio eta 10 eguneko epea emango dio eskaeretakozko batzuei uko egiteko, bere nahierara. Berariazko erantzunik jaso ezean, baimendutako eskaera kopurua soilik hartuko da kontuan, eta horretarako, eskaerak sarrera erregistroan duten zenbakia hartuko da aintzat.

17. oinarria. — Eskabidean aurkeztu beharreko agiriak

1. Laguntza egitarau honen onurei heldu nahi dieten enpresek oinarria honetan jasotako agiriak bidali behar dizkiote Ekonomia Sustatzeko Sailari.



2. Eskabidearekin batera aurkeztu beharreko agiriak:
 - a) Eskabide telematikoa, 22. oinarrian ezarritakoaren arabera. Eskabidean, aurreko bi ekitaldi fiskaletan eta laguntza eskatzen den ekitaldi fiskalean jasotako minimis laguntzen zinpeko adierazpen bat txertatzen da.
 - b) Kontratuen, eskaintzen, proforma fakturen eta/edo behin betiko fakturen kopiak, aurreikusitako gastuaren zenbatekoa egiaztatzeko modua izateko.
 - c) Hartzekodunaren fitxa, Bizkaiko Foru Aldundiko webgunean dagoen eredu ofiziala, Bizkaiko Foru Aldundian banku-helbideratzeari buruzko datuak ez badaude edo dauden datuak aldatu nahi badira. Dokumentazio osoa dagoela jotzen den data zehazterakoan ez da kontuan hartuko hartzekodunaren fitxa, espedientearen ebazpena emateko ondorioetarako.
3. Proiektua baloratzerako ondokoak hartuko dira kontuan jasotako agiriak eta proiektuan parte hartuko duten enpresako pertsonekin egindako elkarrizketan bildutako informazioa.

18. oinarria. — Justifikatzeko epea

1. Dekretu honen babesean garatutako proiektuak justifikatzeko epea laguntza onartu eta hurrengo egunean hasiko da, eta epemuga 2022ko urtarrilaren 31 izango da, egun hori barne.
2. Salbuespen gisa 9 eta 37.6 oinarrietan jasotako baldintzetan, enpresa onuradunak proiektua egiteko eta/edo justifikatzeko epea luzatzeko eskatu ahal izango du.

19. oinarria. — Justifikatzeko modua eta dokumentazioa

1. Gastu agiriekiko egiaztapen-kontuaren sistemaren bidez egin beharko da dirulaguntzaren justifikazioa eta horretarako agiri hauek aurkeztu beharko dira:
 2. Dirulaguntza egiaztatzeko aurkeztu beharko diren agiriak:
 - a) Justifikazio telematikoa, 38. oinarrian zehaztutakoaren arabera.
 - b) Justifikazioaren txostena, webean eta Ekonomia Sustatzeko Saileko bulegoetan eskuragarri dagoen ereduaren arabera.
 - c) Emaizten Txostena, webean eta Ekonomia Sustatzeko Saileko bulegoetan eskuragarri dagoen ereduaren arabera.
 - d) Legezko baldintzak betetzen dituzten gastuen fakturak. Beste herri batzuetako fakturekin batera itzulpena aurkeztu beharko da, ingelesez eginda daudenak izan ezik.
 - e) Fakturen ordainketen frogagiriak. Ez da onartuko eskura ordaintzea.
 - f) 36. oinarrian eskatzen diren hiru eskaintzak edo ordezkoko agiriak.
 - g) Laguntzaren publizitate egokia egiaztatzen duen dokumentazio grafikoa, 21. oinarrian adierazitakoaren arabera.
 - h) Dirulaguntza emateko ebazpenean beren-beregi aurkezteko eskatu dena.
 3. Dena dela, Ekonomia Sustatzeko Sailak enpresa eskatzaileari beharrezkotzat jotzen dituen agiri edota informazio osagarriak eskatu ahal izango dizkio, aurkeztutako eskabidea ondo ulertu eta ebaluatzeko eta beraren jarraipena egin ahal izateko. Era berean, Ekonomia Sustatzeko Sailak erakunde eskatzaileari bisitak eskatu ahal izango dizkio proiektua egin bitartean eta amaitu ondoren, jarraipen egokia egiteko.
 4. Ekonomia Sustatzeko Sailaren jardueraren eragina ebaluatzeko, sail horrek enpresari proiektuak iraun bitartean zein proiektu amaitu eta osteko urteetan enpresaren bilakaera adierazten duten adierazle ekonomikoak eta enpleguari buruzko adierazleak nahiz proiektuak enpresan izandako eraginari buruzkoak aurkezteko eskatu ahal izango dio. Adierazle horiek aurkezteko epea, eskatzen zaizkion unean zehaztuko da.

**20. oinarria. — Dirulaguntza ordaintzea**

1. Ekonomia Sustatzeko Sailak ordainduko dizkio dirulaguntzak, zuzenean, onuraduna den entitateari.
2. Emango den kopuruaren %100arte, laguntzaren emakida onetsitakoan ordainduko da.
3. Kasu guztietan dirulaguntza alde aurretik ordainduko da, erakunde onuradunei bermerik eskatu gabe.
4. Proiektuaren azken justifikazioa egiten denean, dirulaguntza jaso dezaketen gastuetatik benetan egin direnen arabera doitu da dirulaguntza, eta hasieran emandako zenbatekoa baino txikiagoa izan ahal da. Kasu horretan, dirulaguntzaren azken doikuntza egingo da eta behar bezala justifikatutako gastuarekiko proportzionala izango da.

21. oinarria. — Laguntzaren publizitatea

1. Foru dekretu honen babesean emandako laguntzen onuradun diren eskabideek, diruz lagundutako jarduerak hedatzeko ekintza guztietan, Bizkaiko Foru Aldunditik jasotako laguntzaren berri eman beharko dute, dirulaguntzei buruzko 5/2005 Foru Arauaren 17.3 artikuluan adierazitakoarekin bat etorritik, bai eta EGEFek lagundutako finantzaketaren berri ere, 1303/2013 (EB) Erregelamenduaren XII. eranskinaren 2.2 atala aplikatuz.
2. Proiektuaren finantzaketaren izaera publikoaren publizitate egokia, euskarri informatikoetan zein bestelakoetan, honako adierazpen hau sartzera mugatu beharko da: «Bizkaiko Foru Aldundiak finantzatu du proiektu hau, 2021eko Txekeo Teknologikoak Programaren barruan eta FEDER funtsaren kofinantziarioa ere badauka / Este proyecto ha sido financiado por la Diputación Foral de Bizkaia dentro del Programa Chequeos Tecnológicos 2021 y cuenta con cofinanciación del FEDER». Bizkaiko Foru Aldundiaren eta Europar Batasunaren ikur ofizialak ere izango ditu. Berariaz debekatuta dago Bizkaiko Foru Aldundia aipatzen duen beste edozein legenda edo irudi erabiltzea.
3. Erakunde onuradunek kartel bat jarriko dute proiektuari buruzko informazioarekin (gutxienez A3 tamainakoa). Kartel horretan, jasotako laguntza aipatuko dute, jendeak ikusteko moduko leku batean. Era berean, aktibo materialak (instalazioak, makinak, ekipoa...) finantzatzu gero, jasotako laguntza aipatzen duen kartel edo itsasgarri bat jarriko da aktibo bakoitzean.
4. Hizkuntza ofizialak erabiltzeko irizpideak ezartzen dituen Bizkaiko Foru Aldundiaren maiatzaren 28ko 63/2019 Foru Dekretuaren 13.3 eta 13.4. artikuluetan ezarritakoaren arabera, dirulaguntza jasotzen duten erakundeek euskara erabili beharko dute diruz lagundutako jardueraren ondoriozko esku-hartze publiko guztietan. Era berean, pertsona edo erakunde onuradunek beren jardueraren berri herritarrei emateko erabiltzen dituzten liburuxka, kartel edo bestelako euskarri guztietan bi hizkuntza ofizialak erabili beharko dira.
5. Bizkaiko Gardentasunari buruzko otsailaren 17ko 1/2016 Foru Arauaren 2. artikuluen arabera, arau horren 8., 9. eta 10. artikuluetan jasotako gardentasun- eta publizitate-betebeharrak aplikatuko zaizkie aurrekontuko ekitaldi batean gutxienez 100.000 euroko laguntza edo dirulaguntzak jasotzen dituzten erakunde pribatuei, edo urteko diru-sarrera guztien %40k Foru laguntza edo dirulaguntza publikoaren izaera dutenean, baldin eta gutxienez 5.000 badira.

2. ATALA**ESKABIDEEN INSTRUKZIOA ETA EBAZPENA****22. oinarria. — Eskabideak nola aurkeztu**

1. Eskabidea, behar bezala eta oso-osorik beteta, Internet bidez aurkeztu behar da. Horretarako, Bizkaiko Foru Aldundiko web orrian (www.bizkaia.eus), Ekonomia Sustatzeko Sailaren bulego birtualari dagokion atala erabili behar da.
2. Horrela bada, eskabideak bide telematikoetatik aurkeztu behar direnez, enpresa interesdunek alde aurretik sinadura elektronikoa izan beharko dute (lizenpe, NAN



elektronikoa, FEA...), edo B@kQ ziurtagiri elektronikoa. Azken hau eskatu ahal izango da Ekonomia Sustatzeko Sailean (Orueta Apezpikua kalea, 6., Bilbo). Alta prozeduraren gaineko informazioa eskuragarri dago aipatutako Ekonomia Sustatzeko Sailaren bulego birtualari dagokion atalean.

3. Eskabidea aurkezteko ezinbestekoa izango da erakundea Ekonomia Sustatzeko Sailaren erakundearen erregistroan alta emanda egotea (106/2016 Foru Dekretua, ekainaren 14koa; Bizkaiko Aldizkari Ofiziala 116 zenbakia, 2016ko ekainaren 17koa). Egoera horretan ez badago, erakundeak inskribatzeko eskaera bete beharko du, dirulaguntza eskabidea izapidetu baino lehen.

4. Ekonomia Sustatzeko Sailaren erakundearen eta pertsona fisikoen erregistroko datuak bete ondoren, Bizkaiko Foru Aldundiaren egoitza elektronikora eramango dira automatikoki, behar diren jakinarazpen elektronikoa egiteko, 31. oinarrian ezarritakoaren arabera.

5. Nolanahi ere, instrukzioaz arduratzen den organoak elkarrekin zerikusia duten eskabideak taldekatu edo banakatu ditzake, eskabideok ondo aztertu eta ebaluatzeko eta dirulaguntzaren xedeko jarduerara ondoen egokitzen den egitate lagungarria zehazteko neurri egokia dela irizten badio.

6. Eskatzaileak, dirulaguntzarako eskabidea aurkeztean, baimena ematen dio organo instruktoreari, onuraduna izateko baldintzen inguruabarren egiaztapena zuzenean lor dezan; hori, Dirulaguntzen Erregelamenduaren 17.1. artikuluan eta 3/2018 Lege Organikoan xedatutakoarekin bat etorritik, telematikako ziurtagiri egokien bidez egin daiteke.

7. Eskabideekin batera 17. oinarrian ezarritako agiriak aurkeztu beharko dira; arestian aipatu bulego birtualean agiriak eransteko dagoen sistema erabiliko da.

23. oinarria. — Txostenaren instrukzioa

1. Eskabideen espedienteak honelaxe izapidetuko dira:

- a) Instrukzioaz arduratzen den organoak ezarri diren eta pertsona edo erakunde onuradun gertatzeko ezinbestekoak diren baldintzak betetzen direla egiaztatuko du.
- b) Eskabideak behar bezala beterik ez badaude edo deialdietan aipaturiko agiriak erantsita ez badituzte, eskabidea aurkeztu duen enpresari agindeia egingo zaio instrukzioaz arduratzen den organoak jakinarazpena egin eta biharamunetik zenbatzen hasiko den hamar (10) asteguneko epean akatsa konpon dezan edo behar diren agiriak aurkez ditzan; eta ohartaraziko zaio, hori egiten ez badu, eskaera bertan behera utzi duela uste izango dela berariaz emango den ebazpenaren bitartez, 39/2015 Legearen 21. eta 68. artikuluetan xedatutakoaren arabera.

2. Nolanahi ere, organo instruktoreak aurkeztu diren eskabideak behar bezala uler-tu eta ebaluatzeko beharrezkotzat hartzen dituen agiri edota argibide guztiak eskatu ahal izango dizkie eskabidea aurkeztu duten erakunde eskatzaileei.

24. oinarria. — Eskabideen ebaluazioa

Eskabideak ebaluatuko dituen erakundeak behin betiko ebazpen proposamena egingo du. Proposamen horrek ez die inolako eskubiderik emango proposamen horretan bertan onuradun ageri diren pertsonen edo erakundeen.

25. oinarria. — Ebazpen proposamena

1. Ebaluazioa egindakoan organo instruktoreak egiaztatuko du eskaera egin duen pertsonak edo erakundeak Gizarte Segurantzarekiko betebeharrak egunean dituela, baina aurretik eskabidea egin behar zaio Gizarte Segurantzaren Diruzaintza Nagusiari. Halaber, pertsona edo entitate eskatzailearen zerga egoeraren egiaztapena eskatuko dio Ogasun eta Finantza Sailari.

2. Behin egiaztatuta, instrukzioaz arduratzen den organoak Ekintzaitza eta Enpresen Lehiakortasuna Bultzatzeko Zuzendaritza Nagusiari ebazpen proposamena igorriko dio.

**26. oinarria. — Aurrekontuaren muga**

Aurreko oinarrian aipatutakoarekin bat etorritz, aurkeztutako eskabide guztietatik aurrekontu-partidan aurrekontuek ahalbidetzen dituzten bezain beste hautatuko dira.

27. oinarria. — Ebazteko epea

1. Foru dekretu honen itzalpean aurkezten diren eskabideak ebazteko eta jakinarazteko gehieneko epealdia sei (6) hilabetekoa izango da deialdi bakoitzeko eskaerak aurkezteko epea amaitzen denetik.

2. Organo eskudunak, nolana ere, aurkeztutako eskabide guztientzako ebazpena eman behar du nahitaez. Ebazpenerako eta jakinarazpenerako epea amaitu bada eta aipatutako organoak ebazpena eman ez badu, administrazio-isiltasunaren ondorioz eskabideari gaitz iritzi zaiola ulertuko da, horrela xedatzen 39/2015 Legearen 25. artikuluan.

28. oinarria. — Ebazpena

1. Ekintzailatza eta Enpresen Lehiakortasuna Bultzatzeko Zuzendaritza Nagusiak Ekonomia Sustatzeko foru diputatuari igorriko dio ebazpen proposamena, eta hark ebartziko du dagokion foru aginduaren bidez.

2. Dirulaguntza ematen duen ebazpenean baldintza bereziak ezarri ahalko dira, foru dekretu honetan edo dagokion deialdian xedatutakoa proiektuen izaera bereziari edo bestelako inguruabarrei egokitze aldera beharrezkoa irizten bazaio.

3. Ebazpena interesdunei jakinaraziko zaie, 39/2015 Legearen 40. eta hurrengo artikuluetan ezarritakoa betez.

4. Ebazpenaren jakinarazpena jaso ondoren, onuradun gertatu den pertsonak edo erakundeak hamar (10) laneguneko epea du jakinarazpena jaso eta hurrengo egunetik zenbatzen hasita baiezkoa emateko. Epe hori amaitu eta interesdunek ez badute ezer adierazi, ebazpena onartu dela ulertuko da.

29. oinarria. — Errekurtsoak

1. Ebazpenak administrazio bidea agortzen du. Beraren aurka berraztertze errekurtsoa jarri ahal izango da, Ekonomia Sustatzeko Saileko titularrari ebazpena jakinarazi eta hurrengo egunetik hilabete (1) pasatu baino lehen, 39/2015 Legearen ezarritakoarekin bat etorritz.

2. Halaber, Administrazioarekiko auzi-errekurtsoa aurkeztu ahal izango da txandaka dagokion Bilboko Administrazioarekiko Auzien Epaitegian jakinarazpena jaso eta hurrengo egunetik bi (2) hilabete pasatu baino lehen, Administrazioarekiko auzien jurisdikzioa araupetu duen uztailaren 13ko 29/1998 Legearen xedatutakoarekin bat etorritz. Ezin dira bi errekurtso horiek aldi berean jarri.

30. oinarria. — Dirulaguntzari uko egitea

1. Onuradun gertatu diren pertsonetako edo erakundeetakoren batek dirulaguntzari uko egingo balio, dirulaguntza eskaintzen duen organoak zerrendan, 6. oinarriaren arabera lehentasun ordenari jarraiki, hurrengo dauden pertsona edo erakunde eskatzaileri emango lieke, baldin eta eskabide horiei aurre egiteko kreditu nahikorik balego.

2. Dirulaguntza ematen duen organoak aukera horren berri emango die interesdunei, hamar (10) eguneko epean dirulaguntza proposamena onets dezaten. Epe hori, gainera, ezin izango da luzatu. Dirulaguntza eskatu duen pertsona edo erakundeek proposamena onartzen dutenean, administrazio-organok laguntza emateko egintza ezarri eta jakinarazpenak egingo ditu.

3. Uko egitea aurkezteko gehieneko epea hamar (10) laneguneko izango da, erakunde interesdunari dirulaguntza proposamena jakinarazten zaionetik hasita. Epe hori igaro ondoren, uko egitea dirulaguntza emateko arrazoi izan diren baldintzak ez-betetzeari dela joko da.

**31. oinarria. — Jakinarazpen elektronikoa**

1. Ekonomia Sustatzeko Sailak interesdunei jakinarazpenak egitean, bide elektronikoa erabili beharko ditu, 39/2015 Legearen 40. eta hurrengo artikuluen arabera.

2. Bitarteko elektronikoen bidez egiten diren jakinarazpenak Bizkaiko Foru Aldundiaren egoitza elektronikoa (<https://www.ebizkaia.eus>) bertaratuz egin beharko dira, Administrazio Elektronikoa buruzko Bizkaiko Foru Aldundiaren maiatzaren 5eko 62/2015 Foru Dekretuaren arabera, eta Herri Administrazioako eta Erakunde Harremanetarako foru diputatuaren ekainaren 6ko 4841/2016 Foru Aginduaren arabera (foru agindu hori jakinarazpenak eta komunikazioak Bizkaiko Foru Aldundiaren egoitza elektronikoa agertzeko sistemaren bidez egiteari buruzkoa da).

32. oinarria. — Dirulaguntzen argitaratzea

1. Dirulaguntzak ematen diren urte naturala amaitu ondorengo lehen hiru hilabetez bukatu aurretik, ebazpenaren laburpen bat argitaratuko da Bizkaiko Aldizkari Ofizialean.

2. FEDER Eskualde Garapenerako Europako Funtsaren arautegiari jarraituz, foru dekretu honetako laguntzak onartzeak berekin dakar datuak zerrenda publiko batean sartuko direla onartzea: alegia, Euskal Autonomia Erkidegoko FEDER 2014-2020 programa eragilearen eragiketen zerrendan.

3. ATALA**DIRULAGUNTZEN KUDEAKETA ETA EGIAZTAPENARI BURUZKO XEDAPENAK****33 oinarria. — Dirulaguntza jaso dezaketen gastuetarako irizpide orokorrak**

1. Honako hauek dira dirulaguntza jaso dezaketen gastuak: indarrean dagoen araudiaren arabera behar bezala justifikatu direnak, betiere epearen barruan egin badira, beharrezkoak badira eta proiektuaren edo jardueraren izaerari eta garapen normalari erantzuten badiete.

2. Dirulaguntza jaso dezaketen gastuen kostuak ez dira onartuko baldin eta merkaturuan duten balioa baino handiagoak badira.

3. Edonola ere, honako gastu hauek ez dute dirulaguntzarik jasoko:

- a) Dirulaguntzaren xedea den jarduerarekin inolako inola ere identifikatu ezin diren gastuak edo/eta deialdi bakoitzerako epearen barruan egiten ez direnak.
- b) Eskatzailearen eta hornitzailearen artean lotura dagoela erakusten duten gastuak. Ondorio horietarako, joko da lotura dagoela Sozietateen Gaineko Zergari buruzko abenduaren 5eko 11/2013 Foru Arauaren 42.3 artikulua eta Merkataritza Kodearen 42-49 artikuluek ezarritako kasuetan.

4. Erakunde onuradunak gastuak diruz laguntzeko modukotzat jo ahal izateko kontabilitateko erregistro bat eraman beharko du, diruz lagundutako proiektuari dagozkion diru-sarrerak eta gastuak bereiz identifikatu ahal izateko, dela kontabilitateko sistema berezi baten bidez, dela proiektuarekin lotutako transakzio guztietarako kontabilitateko kode egoki bat esleituz, 1303/2013 (EB) Erregelamenduaren 125.4. artikuluan ezarritakoarekin bat etorritik.

34. oinarria. — Gastuen egokitzapena

Ekonomia Sustatzeko Sailak uste badu gastuen aurrekontua antzeko gastuen bidez besteko kostuarekin alderatu eta gehiegizkoa dela, dirulaguntzaren oinarria murriztu ahal izango du, gastuentzako zenbateko egoki eta proportzionalera arte.

35. oinarria. — Azpikontratazioa

1. Pertsona edo erakunde onuradun batek azpikontratazioa egin duela ulertuko da dirulaguntzaren xedea den jarduerari zati batez edo osorik egitea beste norbaitek kontratatzen duenean. Kontzeptu honetatik kanpo geratuko da pertsona edo erakunde onuradunak berak bakarrik diruz lagundutako jarduerari egiteko dauzkan gastuak kontratatzea. Ondorioz, makinak, ekipamendua eta material suntsigarriak erostea, diruz lagun-



dutako jardueraren barruan lan zehatzak egiteko kanpoko zerbitzuak kontratatzea, eta diruz laguntzen den jardueraren beste gastu osagarri batzuk egitea ez da azpikontratazioztat joko.

2. Diruz laguntzen diren zerbitzu edo proiektuetako jardueren % 100eraino azpikontratatu ahalko da, baldin eta 5/2005 Foru Arauaren 27. artikuluan eta Dirulaguntzen Erregelamenduko 53. artikuluan ezarritako baldintzak eta debekuak errespetatzen badira.

3. Dirulaguntzaren xedea gauzatzea agintzen zaien erakundeek, 4/2005 Legean eta 4/2018 Foru Arauan aurreikusitakoaren arabera, bertan ezarritako printzipio orokorrek eta 4/2018 Foru Arauaren 46. artikuluan jasotako betebeharrak errespetatu beharko dituzte.

4. Dirulaguntzaren erakunde onuradunak dirulaguntzari dagokion jardueraren zati bat hirugarrenekin ituntzen dituzenean, jarduera dirulaguntzaren zenbatekoaren % 20 baino gehiago bada eta, gainera, azpikontratazioaren prezioa 60.000 euro baino gehiagokoa bada, erakunde onuradunak Bizkaiko Foru Aldundiari eskatu beharko dio azpikontratazio hori egin ahal izatea; horretarako, haren baldintza nagusiak eta zein erakunderekin itundu den jarduera burutzea adierazi beharko dira. Ekintzaitza eta Enpresen Lehiakortasuna Bultzatzeko Zuzendaritza Nagusiak ebatziko du eskabidea, hamabost (15) eguneko epean. Epe horretan berriazko ebazpenik eman ezean eskabideari ezetsi zaiola pentsatuko da.

36. oinarria.—Eskaintza aukeratzea

1. Dirulaguntza jaso dezakeen gastuaren zenbatekoa azaroaren 8ko 9/2017 Sektore Publikoko Kontratuari buruzko Legean kontratuak txikitat hartzeko finkatzen diren zenbatekoa (40.000 eurotik beherakoa, obra-kontratuak badira eta 15.000 eurotik beherakoa, hornitze- edo zerbitzu-kontratuak badira) baino gehiagokoa bada, pertsona onuradunak hiru hornitzaileen eskaintzak eskatu beharko ditu gutxienez, zerbitzua egiteko edo ondasuna emateko konpromisoa hartu baino lehen. Hori ez da beharrezkoa izango baldin eta, dirulaguntza jaso dezaketean gastuen ezaugarri bereziengatik, merkatuan ondasun eta zerbitzuok hornitu edo egiten dituen hainbeste entitaterik ez badago, edo gastua dirulaguntza eskatu baino lehen egin bada.

2. Aurkeztutako eskaintzak egiaztatgiriari edo, egotekotan, dirulaguntzaren eskaerari aurkeztu behar dira. Eskaintza horien arteko aukeraketa eraginkortasun eta ekonomi irizpideen arabera egingo da. Proposamenik merkeena ez baldin bada aukeratzeko, zergatia memoria batean berriaz bidezkotu behar da.

37. oinarria.—Jarraipena

1. Foru dekretu honetan aurreikusten diren dirulaguntzak eskuratuko dituzten pertsonak edo erakundeek lagunduko diren jarduerak gauzatu direla eta dirulaguntza jasotzeko baldintzak betetzen dituztela agiri bidez frogatu beharko dute. Hori guztia egin beharko dute foru dekretu honetan, dagokion deialdian nahiz esleipena dakarren foru aginduan aurreikusten den moduan eta Ekonomia Sustatzeko Sailak nahiz, kasuan kasu, dagokion erakunde laguntzaileak eskatzen duen unean frogatu beharko dira.

2. Zehazki dirulaguntzaren onuradun diren pertsona edo erakundeek, 4/2005 Legean eta 4/2018 Foru Arauan aurreikusitakoarekin bat etorritik, horietan ezarritako printzipio orokorrek errespetatu beharko dituzte.

3. Justifikazioa ez bada ezarritako epean aurkezten, dirulaguntza itzultzeko eskatuko da, eta 5/2005 Foru Arauan ezarritako gainerako erantzukizunak ere eskatuko dira. Kasu horietan, onuradun gertatu den pertsonak edo erakundeak jaso duen eta frogatu ez duen diru-kopurua bueltatu beharko du, baita dagokion berandutze-interesa ere.

4. Dirulaguntza ematen duen organoak emate-erabakia ofizios aldatu ahal izango du funtsak aplikatu aurretik eta interesdunak esan beharrezkoa entzun ondoren. Erabakia ofizios aldatu ahal izango da dirulaguntza emateko betekizunetako bat aldatu egin bada eta, ondorioz, xedetzat hartu izan den interes publikoa bete ezin bada edo betetzeko zailtasunak izan baditu eta, bide batez, onuradun gertatu den pertsonari edo erakundeari kalte ekonomikoak eragin ez bazaizkio.



5. Organo instruktoreak entzunaldien egutegia ezar dezake Egitaraura aurkeztu diren proiektuen organo instruktorearen aurrean nahi izanez gero azalpenak aurkezteko.

6. Onuradun gertatu diren pertsonak edo erakundeek, halaber, laguntza ematen duen erakundeari dirulaguntzak emateko ebazpena aldatzeko eska diezaioke diruz lagundutako jarduera gauzatzeko epea amaitu aurretik, betiere aipatu berri dugun aldatzekaren bidez alde aurretik ezarritako epeak luzatu nahi badira, emandako dirulaguntzaren zenbatekoa murriztu nahi bada edo jardueraren barne dauden egintzak aldatu nahi badira. Eskaera horiek baimena jasoko dute aurretik ikusi ez diren baldintzak gertatzen badira, betiere dirulaguntzaren xedea aldatzen ez bada eta hirugarren pertsonen eskubideak urratzen ez badira.

7. Epeen luzapena 39/2015 Legearen 32. artikuluan ezartzen duenaren arabera egingo da. Beraz, epeak luzatzeko eskaera eta erabakia dagokien epea bukatu baino lehen egin beharko dira eta luzapena ezingo da hasieran ezarritako epearen erdia baino handiagoa izan. Era berean, epeen luzapena emateko edo ukatzeko ebazpenak ezingo zaie helegitea jarri, beti ere prozedura amaitzen duen ebazpenari jar dakiokiena ez bada.

8. Halaber, Ekonomia Sustatzeko Sailak eskatu ahal izango dizkio Programaren emaitzak egoki ebaluatzeko beharrezkotzat jotzen dituen agiri edota informazio osagarriak entitate onuradunari lagundutako proiektuaren amaieratik eta hurrengo hiru urteetan.

38. oinarria. — Justifikatzeko modua

1. Dirulaguntzak ezarritako agiriak aurkeztuz justifikatu behar dira.
2. Justifikazioa Internet bidez aurkeztu behar da, atal guztiak behar bezala beteta. Horretarako, galdetegi bat bete behar da, Bizkaiko Foru Aldundiko web orrian (www.bizkaia.eus), Ekonomia Sustatzeko Sailaren bulego birtualari dagokion atalean.
3. Justifikazioa egiteko epea igarota, ez bada justifikaziorik aurkeztu organo instruktio-egilearen aurrean, organoak erakunde onuradunari eskatuko dio hamabost (15) eguneko epean aurkez dezala. Epe hori ezingo da luzatu. Justifikazioa ez bada ezarritako epean aurkeztu, dirulaguntza itzultzeko eskatuko da, eta 5/2005 Foru Arauaren 37. artikuluan eta hurrengoetan ezarritako gainerako erantzukizunak ere eskatuko dira.

39. oinarria. — Baldintzak aldatzea

1. Pertsona edo erakunde onuradunak jakinarazi beharko du dirulaguntza ematean aintzat hartu ziren edozein inguruabar objektibo zein subjektiboren gaineko gertatu diren aldaketa guztiak.
2. Pertsona edo erakunde onuradunak, bidezkoketa egiterakoan, azaltzen badu dirulaguntza emateko kontuan izan diren baldintzetan aldaketaren bat gertatu dela eta horrek ebazpena aldatzea ekar lezakeela, 37.6 oinarrian araututakoarekin bat etorritz, hura onetsi aurretik egin beharreko administrazio baimeneko izapidea bete gabe, dirulaguntzak ematen dituen organoak aurkeztu den bidezkoketa onartuko du, beti ere beste pertsonen eskubideak urratzen ez ba ditu; horrek, ordea, ez du pertsona edo erakunde onuraduna salbuetsiko 5/2005 Foru Arauaren arabera dagozkion zehapenetatik.

4. ATALA

DIRULAGUNTZAK ITZULTZEA ETA ARAU HAUSTE ADMINISTRATIBOAK

40. oinarria. — Dirulaguntza erakunde onuradunak berak itzultzea

1. Borondatezko itzulketa da onuradunak Administrazioaren inolako alde aurretiko errekerimendurik gabe egiten duena.
2. Borondatezko itzulketa egiten denean, Administrazioak dagozkion berandutze-interesak kalkulatu ditu, 5/2005 Foru Arauaren 34. artikuluan ezarritakoaren arabera eta onuradunak itzulketa benetan egin duen unera arte.
3. Onuradunak berak eskatuta dirulaguntza itzultzeko bidaliko zaion ordainketa-gutuna erabili behar da, Bizkaiko Foru Aldundiaren eredu ofizialaren arabera.

**41. oinarria. — Ez betetzeak**

Foru dekretu honetan nahiz aplika daitezkeen bestelako arauetan ezarri diren baldintzak zein, kasuan kasukoa, ebazpenean ezartzen direnak betetzen ez badira, jasotako zenbatekoak itzuli egin beharko dira; baita, kasuan kasukoa, kopuru horien interesak ere. Halaxe adierazten baita 5/2005 Foru Arauaren II eta IV tituluetan, dagozkion legezko ekintzen eta zehapenen kalterik gabe. Aipatutako zenbatekoak, diru-sarrera publikotzat hartuko dira ondorio guztietarako.

42. oinarria. — Ez betetzeak mailakatzeko irizpideak

1. Beste dirulaguntza batzuk ere jaso, eta gain-finantzazioa gertatuko balitz, gehiegizko diru-kopurua itzuli beharko du, halaxe ezartzen baita 5/2005 Foru Arauaren 18.3 artikuluan. Kopuru horri, gainera, dagokion berandutza-interesa aplikatuko zaio.

2. Emandako dirulaguntzaren zenbatekoa eskatzaileak aurkeztutako aurrekontu baten gaineko ehuneko bat aplikatuta lortzen denez, behin betiko kostu osoa hasierako aurrekontua baino txikiagoa bada, honako hau itzuli behar da: hasierako aurrekontuaren gaineko ehuneko hori aplikatuta lortutako kopuruari behin betiko kostua kentzearen ondorioz finantziario publikoan sortutako soberakina.

3. Baldintzetako bat edo batzuk ez betetzeak edo epearen barruan jardueraren zati bat bakarrik egiteak (betiere, zalantza barik egiaztatzen bada onuradunak konpromisoak betetzeko asmoa duela) dirulaguntzaren zati bat bakarrik ordaintzea ekarriko du edo, hala badagokio, dirulaguntzaren zati bat itzuli behar izatea. Itzulketa hori kalkulatzeko, jarduera osotik hartutako zatiaren proportzio bera erabiliko da.

4. Administrazioak eginiko egiaztapen edo finantza-kontrol baten ondorioz ikusten bada eginiko gastuetako batzuk edo guztiak ordaindu gabe daudela eta hartzekodunek eskatzeko eskubidea dutela, itzulketa eskatuko da, proportzionaltasun- printzipioa aplikatuta. Kasu horretan, dirulaguntza jaso dezaketen egotzitako gastu guztietatik ordaindu gabeko gastuek osatzen duten proportzioaren araberkoa izango da diru- laguntzaren itzulketa.

43. oinarria. — Zehapen-prozedura

1. 5/2005 Foru Arauaren IV. tituluan ezarritakoa bete beharko da.

2. 39/2015 Legean ezarritakoari jarraituko zaio, bai eta Euskal Autonomia Erkidegoko Herri Administrazioen zigortzeko ahalmenari buruzko otsailaren 20ko 2/1998 Legean xedatutakoari ere, aurrekoari aurka egiten ez dionean.

44. oinarria. — Deslokalizazioa

1. Enpresa eta erakunde onuradunek enpresako deslokalizaziorik ez egiteko konpromisoa hartzen dute; deslokalizaziotzat Enpresako deslokalizazio kasuetan foru sektore publikoko laguntzak berreskuratzeari buruzko martxoaren 27ko 7/2007 Foru Arauan xedatutakoa jotzen da; foru araua foru dekretu honek araututako dirulaguntzentzat guztiz aplikagarria izango da.

2. Konpromisoa ez betetzea Bizkaiko Foru Aldundiaren akordioaren bidez ebatziko da, eta emandako dirulaguntza itzuli behar izateko zioa izango da, aipatu foru arauan xedatutako prozedura aplikatuz.



ERANSKINA

EKONOMIA JARDUERA ZERRENDA

4. oinarrian adierazitakoaren arabera, onuradun izateko, beste baldintza batzuen artean, enpresek EJSN - 2009ko (apirilaren 13ko 475/2007 Errege Dekretua, apirilaren 28ko 102. BOEan argitaratua) epigrafe hauetakoren batean inskribatuta eduki behar dute euren jarduera ekonomiko nagusia

- B atala: Erauzketako industriak
- C atala: Manufaktura-industria
- D atala: Indar elektriko, gas, lurrun eta aire girotuko hornitura
- E atala: Ur hornidura, saneamendu jarduerak, hondakinen kudeaketa eta deskontaminazioa
- F atala: Eraikuntza (talde hau izan ezik):
 - 41.1. taldea. Higiezinaren sustapena.
- G atala: Handizkako eta txikizkako merkataritza; ibilgailu motordunen eta motozikleten konponketa (multzo hau izan ezik):
 - 47. multzoa. Txikizkako merkataritza, motordun ibilgailuak eta motozikletak izan ezik.
- H atala: Garraioa eta biltegiatzea.
- I atala: Ostalaritza (talde hau izan ezik):
 - 56.3. taldea. Edaritegiak.
- J atala: Informazioa eta komunikazioak.
- M atala: Jarduera profesionalak, zientifiko eta teknikoak.
- N atala: Administrazio jarduerak eta zerbitzu lagungarriak (multzo hau izan ezik):
 - 80. multzoa. Segurtasun eta ikerketa jarduerak.
- P atala: Hezkuntza (multzo hau baino ez):
 - 85.6. multzoa. Hezkuntzako jarduera lagungarriak.
- Q atala: Osasun jarduerak eta gizarte zerbitzuak (multzo hauek baino ez):
 - 87. multzoa. Egoitzetako laguntza.
 - 88. multzoa. Ostaturik gabeko gizarte zerbitzuetako jarduerak.
- R atala: Arte, aisialdi eta denbora-pasako jarduerak (multzo eta talde hauek baino ez):
 - 90. multzoa: Sormen, arte eta ikuskizunen jarduerak.
 - 91. multzoa: Liburutegi, artxibategi eta museoetako jarduerak eta beste kultura jarduera batzuk.
 - 93.2 taldea: Aisialdi eta entretenimendu jarduerak.
- S atala: Bestelako jarduerak (multzo hau baino ez):
 - 95. multzoa. Ordenagailuen, norberaren gauzen eta etxeko gauzen konponketa.

Salbuespenez, interes nabarmena duten proiektuak direnean, aurreko epigrafeetan agertzen direnez bestelako jarduera nagusia duten enpresak ere onuradun izan ahalko dira, Ekonomia Sustatzeko foru diputatuaren ebazpen arrazoituaren bitartez.